

## M121W: Kaiserchronik A (Fragment W)

0,3689 “[...][...] versumet hat .  
0,3690 wirt min iem’ mere dehein rat .  
0,3691 ih ervolle iz vil g’ne .  
0,3692 ih getrvwe ir vil uerre .”  
0,3693 Do sprach Clemens .  
0,3694 “harte wund’t mih des .  
0,3695 daz du uur dine gote gienge .  
0,3696 und vor in nid’ viele .  
0,3697 din oph’ braechte du in ir hus .  
0,3698 w’got wie schiede du dar uz .  
0,3699 taten si dir iht gnad-n .  
0,3700 getar ih dich des gefragen .”  
0,3701 “Ettewenne” sprach d’ alte man .  
0,3702 “hant si ubel zu mir getan  
0,3703 etwenne wol  
0,3704 also iz ie denne kom .  
0,3705 uns gebivtet unser e .  
0,3706 daz wir oph’n lune .  
0,3707 baidiv ol unde win .  
0,3708 dar umbe wil si uns die naht vor sin .  
0,3709 ad templum martis .  
0,3710 der ist ein groz’ got uil gewis .  
0,3711 dem oph’n wir skilt unde sw’t .  
0,3712 groz’ eren . ist er w’t .  
0,3713 swen er wil bewaren .  
0,3714 dem ne mach mennisk niem’ gescaden .  
0,3715 Mercurius der maere  
0,3716 der ist ein got seltsaene .  
0,3717 er wil daz in die kauflutt .  
0,3718 vor and’n goten trvten .  
0,3719 Ioui dem h’ren .  
0,3720 dem gezimt groz ere .  
0,3721 dem oph’n wir ze ware .  
0,3722 mit bogen unt mit stralen .  
0,3723 lat er sinen zorn uur gan .  
0,3724 niht lebentiges mac da vor gestan .  
0,3725 Ven’i der frowen .  
0,3726 d’ suln wir eren wol getruwen .

0,3727 d' oph'n wir bluom- und ui-g'lin .  
0,3728 in ir hulden wil ih g'ne sin .  
0,3729 unser dinch v're an ir genaden stat .  
0,3730 si gebivtet uns umbe die hirat .  
0,3731 Sat'no dem wilden .  
0,3732 oph'n wir mit chohsilb' .  
0,3733 alle gote ne megen uns niht bewaren .  
0,3734 wil er eine uns scaden .  
0,3735 d' h're wil daz im mit golde .  
0,3736 oph'n sine hold-n .  
0,3737 dar umbe git er uns sunnen .  
0,3738 und maneg' slahte wunne .  
0,3739 d' and' gote d' ist vil .  
0,3740 d' ih nu nennen niene wil .  
0,3741 die wir ze rome enphangen han .  
0,3742 in ainime iare . ne maehte ih dir ir tuge-t niht sag- ."  
0,3743 Do sprach Clemens der iungelinch .  
0,3744 "ditze sint wund'lichiv dinc .  
0,3745 uz' din selbes munde .  
0,3746 so ub'rede ih dich hie zestunden .  
0,3747 din' wund'lich' site .  
0,3748 waz erwurue du d' mite .  
0,3749 daz du uor dinem gote gienge .  
0,3750 und uur in nid' uiele .  
0,3751 wes mohten dine gote dich bewarn .  
0,3752 so dir div wilsaelde scol geschehen  
0,3753 div wilsaelde muoz liegen  
0,3754 od' die gote triegen .  
0,3755 muotest du ihtes da z in  
0,3756 daz muoz wid' die wilsaelde sin .  
0,3757 wil du ab' die wilsaelde gehabt .  
0,3758 so muost v die got' laz- varn .  
0,3759 in ewed'em taile bist u betrog-n .  
0,3760 nu ne maht du in newed'en taile uolkomen ."  
0,3761 Do geswiget d' althe're  
0,3762 er ne antwurte ime niht mere .  
0,3763 vor zorne wolt er dannen gan .  
0,3764 do behabte in sante peter d' heilige man .  
0,3765 er sprach "nu scone din' witze .  
0,3766 eine wile scolt du sitzn- .  
0,3767 ne habe nehain ungebaere .  
0,3768 ih v'ende dir umbe die wilsaelde ."  
0,3769 duo sprach d' alte man .  
0,3770 "d' rede wolt ih gerne ein ende han .  
0,3771 doh mac ih niht fro sin .  
0,3772 mir hat gewichn- d' sin min .  
0,3773 daz ih scol sin ub'wundn- .  
0,3774 von einime kinde sus tumben .

0,3775 ih ne mege mih des erholn .  
0,3776 ih ne wil mih nimm' m'e wol gehabt ."  
0,3777 Do sprach sante peteR . d' heilige man .  
0,3778 "ih wil dir werlichn- sagen .  
0,3779 sw' sih an die wilsaelde lat .  
0,3780 daz im dicke missegat .  
0,3781 vnde wil dir z hie zestete beweren ."  
0,3782 sprach d' bote maere .  
0,3783 "Liebe nu tuo also ih dih lere .  
0,3784 wel dir d' all'besten maist' zwene .  
0,3785 die dir nu sin in allen richen .  
0,3786 unde nim den and'n tovgenliche .  
0,3787 in dine geswashait  
0,3788 und sprich daz dir si so groz leit .  
0,3789 in d' wile geschehen  
0,3790 daz du g'ne wandelst din leben .  
0,3791 dir si d' lip unmaere .  
0,3792 frage in ob iz d' wile scult were .  
0,3793 du welles sin g'ne da ze im ain ende haben .  
0,3794 so heizet er im sin buoch uur tragen .  
0,3795 er zaiget dir uil manegen wund'lich-n st'nen .  
0,3796 unde machet dir vil grozen w'ren .  
0,3797 er laitet dir d-n st'nen hin und her .  
0,3798 sin hovbet daz weget er .  
0,3799 er spriket daz div wile waere .  
0,3800 in so grozen unseld-n .  
0,3801 daz si mennisk niem' maechte getragen .  
0,3802 mit rehte muost u lait hab-n .  
0,3803 Liebe nu ist daz getan .  
0,3804 nu la d-n sin wech gan .  
0,3805 sa zehand-n .  
0,3806 so frage auer d' and'n .  
0,3807 mit frolichem antlvze .  
0,3808 sprich dir waere div selbe wile nutze .  
0,3809 dir geschaehe in dirre w'lte nie so liebe .  
0,3810 so heizet er im uil schiere .  
0,3811 sin buoch dar bringen .  
0,3812 so zeiget er dar innen .  
0,3813 die st'nen also waerliche .  
0,3814 vil tivre v'mizet er sih .  
0,3815 div wile waere  
0,3816 in so groz-n saelden .  
0,3817 daz si mennisck nimm' gebaere dehainen scad-n .  
0,3818 von rehte musest du danne frowede haben .  
0,3819 so hant dich die maist' baide betrogn- ."  
0,3821 duo sprach d' alte man .  
0,3822 peter nu muoz ih dir durh not sagen .  
0,3823 waz mir von d' wilsaelde ist bekommen .

0,3824 si ovch ih iemm' ze allen eren v'korn .  
0,3825 nu was doch ih ze rome ein rich' man .  
0,3826 ih nam ein wip div mir da wol gezam .  
0,3827 vil schiere gewan ih da bi  
0,3828 erlich' sune dri .  
0,3829 zwene sant ih ze atthenas .  
0,3830 uil unlange stuont daz  
0,3831 vnz ich die mut' vant ruwige .  
0,3832 an die brust bluende .  
0,3833 wainunde unde klagunde .  
0,3834 michel not habende .  
0,3835 si rief ze allen ziten sus .  
0,3836 "lieb' sun faustinus . lieb' sun favstus ."  
0,3837 div mut' uuor nah d-n kind-n in daz lant .  
0,3838 ih ne fraiskte noh en vant .  
0,3839 war ir neheinez ie bekome .  
0,3840 ze libe od' ze tode .  
0,3841 minem iungesten sun .  
0,3842 gab ih allen minen rihtuom .  
0,3843 ih uuor nah wibe und nah kinden .  
0,3844 ih ne mahte ir neheinez nimm' mere uind-n .  
0,3845 also var ich noh daz ist war .  
0,3846 mer danne vierzeh-n iar .  
0,3847 daz ih den livten kochte und buoch .  
0,3848 den wite ih hie vaile truoch .  
0,3849 die kurn ih hie tagelichen zoch .  
0,3850 peter gelovbest u an die wilsaelde noch .  
0,3851 div kint erhorten daz .  
0,3852 daz der h're ir vater was .  
0,3853 si wolten sih ime eroffenet haben .  
0,3854 daz v'bot in der heilige man .  
0,3855 er hiez si wesen stille .  
0,3856 unz ez wurde sin wille .  
0,3857 Do sprach d' heilige man .  
0,3858 "nu sage mir dines iungen sunes nam- ."  
0,3859 do sprach d' alth're .  
0,3860 "den sage ih dir vil g'ne .  
0,3861 want in d' w'lt nie nehein man  
0,3862 lieb' kint im gewan .  
0,3863 also iz div wile dulte .  
0,3864 daz ih si haben scolte .  
0,3865 der elteste hiez faustinus .  
0,3866 d' da nah hiez faustus .  
0,3867 Clemens min iungest' sun hiez .  
0,3868 dem ih allez min erbe liez ."  
0,3869 dov antwurte im sus .  
0,3870 d' heilige apl-s .  
0,3871 "nu ob daz so mach komen .

0,3872 daz ih dir zeige dine chonen .  
0,3873 mit dinen drin sunen .  
0,3874 daz wil du denne umbe die wilsaelde tuon .  
0,3875 uil kivske und uil raine  
0,3876 an alle bose maile .”  
0,3877 Duo sprach d’ alte .  
0,3878 “peter tuo die rede gehalten .  
0,3879 also vil mac ih kint od’ wip imm’ geseh-n .  
0,3880 sam uz’halp d’ wilsaelde iemm’ mac gescheh-n .”  
0,3881 do antwurte ime sus .  
0,3882 d’ heilige apl-s .  
0,3883 “wil du an einen waren got gelovben haben .  
0,3884 d’ wilsaelde wid’sagen .  
0,3885 hie antwurte ih dir zestete din wip .  
0,3886 d’ du gedarbet [...] [...]”  
0,4274 dar nah von miselsuhte .  
0,4275 ze iungist begunde er ze winnen .  
0,4276 er hiez ime gewinnen .  
0,4277 in sine kemenate  
0,4278 vz’ dem senate .  
0,4279 der hersten romaere zehencik vnd dri .  
0,4280 ih sage iv waerliche da bi  
0,4281 ir hovbet hiez er in abe slahen .  
0,4282 daz sw’t hiez er ime dar tragen .  
0,4283 er sprach “nah minime tode .  
0,4284 frowet sih elliv div stat ze rome .  
0,4285 ze ware si begrabent mih morgen niht einen  
0,4286 ir iegelich muz sinen frivnt . klagen vnd wainen .”  
0,4287 Also er daz wort uolsprach .  
0,4288 daz sw’t er in sih stach  
0,4289 In dem selben zit  
0,4290 huop sih ze rome mlchel strit  
0,4291 die livte wolten in vz tragen  
0,4292 bi den fuz-n zoch man in in den burchgraben .  
0,4293 die tievel . komen dar  
0,4294 mit ein’ michelen scar .  
0,4295 in swarzer vogeile pilede  
0,4296 in einime michelem genibele .  
0,4297 namen si die sele .  
0,4298 die helle bwet si iem’ mere .  
0,4299 d’ lihname was unraine .  
0,4300 die wolfe frazen sin gebeine .  
0,4300a ditze liet ist von tarqvinio  
0,4300b den v’riet sin wip so .  
0,4300c si hiez in w’uen umbe Conlatinus wip .  
0,4300d des nam ime d’ helt den lip .  
0,4301 Daz bvoch kundet uns sus  
0,4302 daz riche besaz do tarqinius

0,4303 d' was d' ub'muotigste man  
0,4304 d' ie von mut' in dise w'lt bekom  
0,4305 Ein furst was bi den zite- . ze triere .  
0,4306 d' gewan michel liebe .  
0,4307 ze tarquinio dem kunige .  
0,4308 iz ergienc in baiden ubele .  
0,4309 er was ein ritt' vil gemait .  
0,4310 trieraere taten ime so groziv lait .  
0,4311 daz d' helt vil gvot  
0,4312 einen fursten da ze triere . ersluoch .  
0,4313 d' hiez Conlatinus .  
0,4314 do muose . er lazen daz hus .  
0,4315 er vazte sih scone .  
0,4316 in die stat ze rome .  
0,4317 Romare enphiengen wol den h'ren  
0,4318 mit vil grozn- eren .  
0,4319 swar si riten . vf div lant .  
0,4320 da diente ime ie d' helt palt .  
0,4321 vnz ' mit sinime sw'te .  
0,4322 also grozen ruom beherte .  
0,4323 daz si den ellenthaften man .  
0,4324 ze grozen eren wolten han .  
0,4325 und daz in die snellen .  
0,4326 erwelten in selben ze gesellen .  
0,4327 In dem senate  
0,4328 komen die herren des ze rate .  
0,4329 swa man dehein frumecheit wolte tuon .  
0,4330 da vorderte man ie disen h'ren zuo .  
0,4331 do gefvocte iz sih alsvs .  
0,4332 daz ime gebot d' senatus .  
0,4333 daz er eine frowen von rome naeme .  
0,4334 div sin' edelkait wol gezaeme .  
0,4335 Ainer frowe er do bat .  
0,4336 wie schiere man ime si gab .  
0,4337 div hiez lucretia .  
0,4338 si stat in ovidio gescriben da .  
0,4339 do . wart ime daz wip .  
0,4340 rehte also d' lip .  
0,4341 duo minnet ovch in div frowe .  
0,4342 mit all' slahte triwe .  
0,4343 mit zuhten und mit guote .  
0,4344 mit all' divmuote .  
0,4345 minnete si den helt palt  
0,4346 si heten groz' wunne gewalt .  
0,4347 Vil dicke saget man dem h'ren maere .  
0,4348 daz ze bit'ne waere  
0,4349 gut' knehehte also vil  
0,4350 manec ritt'lich spil .

0,4351 vil manic hofsk . frovwe .  
0,4352 sw' die g'ne wolte scovwen .  
0,4353 d' sin selbe w't waere .  
0,4354 waz er guoter tugende da ersaehe .  
0,4355 Ze alleriungest nam er im iz ze ein' emzicheit .  
0,4356 daz er dicke ze bit'ne rait .  
0,4357 daz iz ime harte begunde lieben .  
0,4358 daz fraiskten die h'ren von triere .  
0,4359 daz eR da haimelich was .  
0,4360 trieraere gaben ir scaz .  
0,4361 daz man in da solte erslan .  
0,4362 wie kume er danne entran  
0,4363 in wibes gewaete .  
0,4364 daz er an legete .  
0,4365 muose er vz d' stat entrinnen .  
0,4366 in nerte guot gesinde .  
0,4367 Do d' helt vil balt .  
0,4368 floh ze rome in die stat .  
0,4369 do klagete er den altherren  
0,4370 wie ez ergangen waere .  
0,4371 si luten ir schellen .  
0,4372 do samneten sih die snellen .  
0,4373 si sprachen alle dar zuo .  
0,4374 wie ez pit'naere . getorsten tuon .  
0,4375 si redeten daz ez groz last' waere .  
0,4376 daz ez deheinime romaere geschaehe .  
0,4377 Die burch si besazen .  
0,4378 romaere sih v'mazen .  
0,4379 div burch mvse brinne .  
0,4380 si ne wolten neheiner slaht gedinge .  
0,4381 wan guot und lip .  
0,4382 romaere huoben dar zuo den strit .  
0,4383 pit'naere waren . ovch guote knehte .  
0,4384 si sprachen von ir altem rehte .  
0,4385 wolten si niemm' getriben w'd-n .  
0,4386 si solten e alle erst'ben .  
0,4387 Vil schiere gerehte sih manneklich .  
0,4388 mit stale besluzen si sih .  
0,4389 si wurfen vf div burgtor .  
0,4390 ia uunden si da vor .  
0,4391 die all'besten wigande .  
0,4392 die in alle- lande .  
0,4393 gewuohsen iem' m'e .  
0,4394 romaere beh'ten ie wol ir ere .  
0,4395 in manigem grozem volcwige .  
0,4396 romaere habeten iz ze nide .  
0,4397 daz pit'naere . guote knechten waren .  
0,4398 vnde si siv ingegen in vfrehete sahen .

0,4399 mit manig' lihten scar .  
0,4400 mit manic helde gar  
0,4401 so iz guoten knehten wol gezam .  
0,4402 da wart ein sturm fraisam .  
0,4403 Conlatus nam romaere vanen .  
0,4404 er kerte an den burcgraben .  
0,4405 helede die iungen .  
0,4406 vil vaste si h' uz trungen .  
0,4407 da flovch g' wid' ger .  
0,4408 da wart vil manh helt v'hser .  
0,4409 manic sw'tegen ivnc .  
0,4410 lac da tot und wunt .  
0,4411 da wart vil manec helm scart .  
0,4412 unz siv div uinst' naht .  
0,4413 muse dannen scheiden .  
0,4414 den scaden tailten si gemainen .  
0,4415 Aines tages kom iz so .  
0,4416 romaere wurden vile fro .  
0,4417 An d-n stunden  
0,4418 red-n . si begunden  
0,4419 von uil guoten knehten .  
0,4420 die in dem riche wol getorsten vehten .  
0,4421 sumelich begunden si ab' scelten .  
0,4422 die ir zagehait musen engelten .  
0,4423 An den selben stunden  
0,4424 redeten si von sconen rossen unt von guoten hunden .  
0,4425 si redeten von vederspil  
0,4426 von and' kurzwile uile .  
0,4427 si redeten von sconen frowen .  
0,4429 an den niene waere .  
0,4430 neheiner slahte wandelbare .  
0,4431 Do sprach der romaere ettlich' .  
0,4432 "so muoze mir got geswichen .  
0,4433 swie ich von minime wibe wurde geschaiden .  
0,4434 ich ne wolte si nimm' geklagen noh gewainen ."   
0,4435 Do sprach aver ettelich .  
0,4436 "sam mir got der riche .  
0,4437 ih han ein frumec wip  
0,4438 si ist mir also der lip .  
0,4439 si ist pid'be und guot  
0,4440 fro machet si dicke minen muot ."   
0,4441 Do sprach d' ellende man .  
0,4442 d' von triere dar kam .  
0,4443 "sam mir min lip .  
0,4444 ich han daz all'frumigiste wip .  
0,4445 die d' ie dehain man  
0,4446 ovf romisker erde gewan ."   
0,4447 dov sprach der kunich here .

0,4448 “du v’mizzest dich alzoges ze verre .  
0,4449 vnd ub’sprichest dich in allem zit .  
0,4450 ia ne scoltest u din wip .  
0,4451 vor mir so harte niht lob-n .  
0,4452 miniv ist baz geborn .  
0,4453 vnd ist ovch vil baz getan .  
0,4454 daz erzivge ih mit manigem frumen man .”  
0,4455 Do sprach d’ reckke .  
0,4456 “nu hort ich sagen dickke .  
0,4457 daz man dem riche .  
0,4458 pilliche . solt entwichn- .  
0,4459 warest v auer niht alles riches herr .  
0,4460 so beredet ich ez noh vil sere .”  
0,4461 “Waz wil du des mere”  
0,4462 sprah d’ kunic here .  
0,4463 “min wette ih dir bivte  
0,4464 vor allem disem livte .  
0,4465 ist div dine baz getan’ . danne div mine  
0,4466 so genade mir min trehtin .  
0,4467 pringest du sin die warheit .  
0,4468 so en ist iz mir niht lait .  
0,4469 noh gezurne iz nimm’ mere .”  
0,4470 daz v’wetten si do bede .  
0,4471 Helede also v’mez-n .  
0,4472 von dem gesezze .  
0,4473 riten si zwene .  
0,4474 si ne wolten niem- mit in mere .  
0,4475 si komen ze rome in die stat .  
0,4476 etwaz vor mitt’naht .  
0,4477 d’ trieraere pozet an sin tor .  
0,4478 man fragete w’ da waere vor .  
0,4479 duo man sine stimme v’nam .  
0,4480 schiere wart im vf getan .  
0,4481 d’ frowen kom ze maere .  
0,4482 daz d’ wirt komen waere .  
0,4483 vz’ dem bette si spranc .  
0,4484 do lief si des hoves lanc .  
0,4485 “willekomen sist u lieb’ h’re .  
0,4486 ia vorhte ih din vil sere .  
0,4487 same mir got der riche .  
0,4488 du hast getan uil frumekliche .  
0,4489 daz du h’ zuo mir kom- bist .  
0,4490 elliv min angest von mir ist .”  
0,4491 Duo sprach d’ h’re .  
0,4492 “frowe waz wil du daz min w’de .  
0,4493 ih en az hivte bi disem tage niht .”  
0,4494 “entriwen” sprach si “daz ist mir liep .  
0,4495 so laze mih got leben .

0,4496 wir suln dir genuoch geben .”  
 0,4497 Si hiez ir tisk rihten .  
 0,4498 si die-te da mit michelen zuhten .  
 0,4499 si scancte in div goltvaz d-n win .  
 0,4500 si bat d-n gast fro sin .  
 0,4501 also div frowe . daz trinken fur truoch .  
 0,4502 d’ wirt d-n koph vf huop .  
 0,4503 den win er ir und’ div ovgen goz .  
 0,4504 daz trinken an ir gewaete floz .  
 0,4505 si stuont neic ime gezogenliche .  
 0,4506 do ersmielte d’ kunich riche .  
 0,4507 Div frowe ilte drate  
 0,4508 wid’ in ir kemenate .  
 0,4509 si zierte sih mit michelem flize .  
 0,4510 in and’ wat wize .  
 0,4511 si scancte dem wirte d-n win .  
 0,4512 si bat d-n gast fro sin .  
 0,4513 si enphie ime daz goltvaz  
 0,4514 daz tet div frowe umbe daz .  
 0,4515 daz dir wirt fro waere .  
 0,4516 unde des gastes mit eren phlaege .  
 0,4517 Also die tiske wurden erhaben  
 0,4518 unde siv ze bette solten gan .  
 0,4519 div frowe ne wolte den gast nie v’lazzen  
 0,4520 unz er an daz bette gie slaffen .  
 0,4521 si stuont neic ime gezogeliche .  
 0,4522 do sprach d’ kunic riche .  
 0,4523 “nu lone dir got frowe .  
 0,4524 man mac dir all’ eren wol getrvwen .  
 0,4525 dine site sint guot .  
 0,4526 du hast . aller tugende genuoch .”  
 0,4527 Also si ervollete den rat .  
 0,4528 d’ und’ in gelobet wart .  
 0,4529 do in div and’ naht kom .  
 0,4530 duo iltn- si zu des kuniges hove .  
 0,4531 d’ kuniginnen kom ze maere .  
 0,4532 daz d’ kunic kom- waere .  
 0,4533 “des muoze er” sprach si “haben vndanch .  
 0,4534 d’ tac was noh hivte so lanc .  
 0,4535 daz er hat gemaket .  
 0,4536 daz ih also unsanfte bin erwachet”  
 0,4537 div frowe lac stille .  
 0,4538 si ne wolte durch sinen willen .  
 0,4539 nie von dem bette kom- .  
 0,4540 d’ gast hete die rede wol v’nomen .  
 0,4541 Der kunic an daz bette zuo ir gesaz .  
 0,4542 “frowe” sprach er . “wie klagest du daz .  
 0,4543 wir birn geuarn uerre

0,4544 und aezen noh g'ne ."  
 0,4545 "woltest v iz h're bedenken .  
 0,4546 ih en pin wed' truhsaeze . noh schenke .  
 0,4547 kameraere noh koch .  
 0,4548 ub' allen disen hof .  
 0,4549 ih en waiz waz du mir wizest .  
 0,4550 ih en ruoch ob du imm' ihtes enbizest ."  
 0,4551 die helede also v'mezz-n .  
 0,4552 riten wid' zuo dem gesezze .  
 0,4553 do die fursten d-n kunic ersahen .  
 0,4554 si begunde- in alle fragen .  
 0,4555 w' daz gewette hete gewonnen .  
 0,4556 "ih wil ime d' eren wol gunnen ."  
 0,4557 sprach d' kunic riche .  
 0,4558 "ih sage ev h'ren waerliche .  
 0,4559 daz ih e noh sit .  
 0,4560 nie gesah ein so frumic wip .  
 0,4561 an allen ir gebaeren .  
 0,4562 si gezaeme wol ze ein' kuniginnen . allen romaeren ."  
 0,4563 Aines tages gefucte es sih so .  
 0,4564 daz d' kunic wart uil fro .  
 0,4565 romaere heten groze ritt'schaft  
 0,4566 daz maere kom ze bit'ne in die stat .  
 0,4567 du iltn- die frowen  
 0,4568 oben an die zinne scowen .  
 0,4569 duo romaere die frowe ersahen .  
 0,4570 si ilten ie baz und baz dar zuo gahen  
 0,4571 daz die frowen jaehen  
 0,4572 welhe gyte ritt' von rome waeren .  
 0,4573 Romaere eines frides g'ten .  
 0,4574 vnz si sih mit den frowen erredet .  
 0,4575 Do d' fride wart getan .  
 0,4576 manic frowe lussam  
 0,4577 stuont da ze redene .  
 0,4578 mit manegem helede edele .  
 0,4579 ain paltsprachiu was da .  
 0,4580 gehaizen almenia .  
 0,4581 si sprach "Totila ein edel man .  
 0,4582 du maht wol nah' zuo den frowen gan .  
 0,4583 du bist kuone genuoch .  
 0,4584 des libes alzoges ain helt guot .  
 0,4585 w'got sage mir des . ih dich frage .  
 0,4586 wed' dir lieb' waere .  
 0,4587 an dinen triwen .  
 0,4588 ob dich ein sconiv frowe .  
 0,4589 wolte minnen . alle dise naht  
 0,4590 ob du morgen den tac .  
 0,4591 in dinime gewaefen soltest gan .

0,4592 vehten mit einime also kunen man .  
 0,4593 so du waenest daz du sist .  
 0,4594 waz du tuon woltest .  
 0,4595 ob div wale din waere .  
 0,4596 wederz dir baz gezaeme ."  
 0,4597 DeR helt totyla .  
 0,4598 d' antwurte ir sa .  
 0,4599 "ih ne weiz ob ih din' rede .  
 0,4600 geantwurten mege .  
 0,4601 ih wil dir waerliche sagen .  
 0,4602 nehein frum man scol nimm' v'zagen .  
 0,4603 swa er mit sinime sw'te .  
 0,4604 dehain sin ere scol beh'ten .  
 0,4605 selbe ne sol er sih niht vor ruomen . d' frumechait .  
 0,4606 daz iz ime dar nah iht w'de lait .  
 0,4607 umbe die minne ist iz au' so getan .  
 0,4608 da ne mac niht lebentiges vor gestan .  
 0,4609 sw' rehte wirt innen .  
 0,4610 frum' wibe minne .  
 0,4611 ist er siech er wirt gesunt .  
 0,4612 ist er alt er wirt iunch .  
 0,4613 die frowen machent in genuoge  
 0,4614 hofsc un- kune .  
 0,4615 im ne mac niht gewerren .  
 0,4616 du fragest mih ze verre .  
 0,4617 ih pin ein tv-p man .  
 0,4618 din' rede ih niht wol geantwurten kan ."  
 0,4619 Do sprach almenia .  
 0,4620 "helt ih wil dir klagen sa .  
 0,4621 ewer gast Conlatinus .  
 0,4622 d' rait dik in u-ser hus .  
 0,4623 durch romaere ere .  
 0,4624 wir enphiengen wol d-n herren .  
 0,4625 die frowen nerten in von dem tode .  
 0,4626 welt ir uns des so lonen .  
 0,4627 sculn wir des hungers ertwelen hinne .  
 0,4628 od' ze tode v'brinnen .  
 0,4629 da scol man ivch romaere imm' . umbe schelten .  
 0,4630 lat es die scvldigen engelten .  
 0,4631 ub' die scol iz billich-n ergan .  
 0,4632 waz habent iv die scon- frowe- ze laide getan ."  
 0,4633 In dem senate .  
 0,4634 kom- romaere des ze rate .  
 0,4635 durch d' frowen willen .  
 0,4636 si naemen ir gedinge .  
 0,4637 mit den allersculdigesten drin .  
 0,4638 die da waren under in .  
 0,4639 die den scatz von trieraeren enphiengen .

0,4640 fur die burch si die hiengen .  
 0,4641 di mure si zebrach-n .  
 0,4642 ir zorn si also rach-n .  
 0,4643 da mite iz allez besuonet wart .  
 0,4644 romaere kerten wid' in ir stat .  
 0,4645 Der kunic d' lac des nahtes an sinime bette .  
 0,4646 er gedahte an sin altez wette .  
 0,4647 daz ime div kuniginne het v'lorn .  
 0,4648 d' antvanc wart im ovch zorn .  
 0,4649 er begunde ir iz harte v'wizen .  
 0,4650 do fracte si mit flize .  
 0,4651 wes da gewettet waere .  
 0,4652 wie g'ne si daz v'naeme .  
 0,4653 dER kunic ir rehte sagete .  
 0,4654 also er gewettet habete .  
 0,4655 div kuniginne v'stuont daz .  
 0,4656 daz iz ir ze vare getan was .  
 0,4657 si lac dem kunige an .  
 0,4658 si tet im manicvalte mane .  
 0,4659 er gewunne ir wid' ir ere .  
 0,4660 ir geschaehe nie nehain h'zelait so grozez mere .  
 0,4661 od' si gewunne niem' guot gemuote .  
 0,4662 Der kunic ir ant[...][...]  
 0,16713 [...] [...] sih mit grozer menige .  
 0,16714 er wolte die burch relediget han .  
 0,16715 daz horte d' herzoge Gotfrit . sagen  
 0,16716 er samende sih mit den kristen .  
 0,16717 er ne wolte ez niht langer fristen .  
 0,16718 do sprach d' herzoge gotfrit  
 0,16719 "min trehtin hat ain guoten site .  
 0,16720 daz er die sine niem' uerlat .  
 0,16721 sw' ime ze d' note gestat .  
 0,16722 wr sculn dn- wech mit ime tailen .  
 0,16723 so ne megen uns die vaigen  
 0,16724 niem' entrinnen ."   
 0,16725 die kristen begunden die rede alle minnen .  
 0,16726 Ain wazzer haizet salkata  
 0,16727 haiden lagen da .  
 0,16728 mit sogetaner kraft  
 0,16729 daz iv daz niemen gesagen mach .  
 0,16730 die kristen ne mahten wazzers niht han .  
 0,16731 vil tivre begunden si daz gote klagen  
 0,16732 daz livt was erswizzet  
 0,16733 von d' sunnen erhizzet .  
 0,16734 si heten michelen ungemach .  
 0,16735 ain michel zaichen da gescach .  
 0,16736 die lufte si besweten  
 0,16737 daz si nehain not habeten

0,16738 si tranchen ab dem himeltowe .  
0,16739 w' solte gote missetruwen .  
0,16740 Also die haiden uernamen  
0,16741 daz die kristen begunden nahen .  
0,16742 ze fluhte huoben si sich  
0,16743 ane slach und ane stich  
0,16744 lach do zehenzech tusent tot .  
0,16745 vor durstes not .  
0,16746 sumeliche sih ertrancten .  
0,16747 sumelich sih in daz mer sancten .  
0,16748 sumeliche burgen sih und' den dornen .  
0,16749 die kristen da uornen .  
0,16750 namen sogetanen rovp .  
0,16751 daz div rede ne tovch .  
0,16752 niemen ze sagene .  
0,16753 die kristen suohten ze babylonie .  
0,16754 vaste unze an daz burctor .  
0,16755 die haiden da vor .  
0,16756 wurden ertret unde erslagen .  
0,16757 daz man iu vur war mach sagen .  
0,16758 daz d' haiden lant .  
0,16759 von dem ase erstanch .  
0,16760 div frowede und' den kristen wart .  
0,16761 si huoben sih wid' in die hailigen stat .  
0,16762 nu ne mahten wir iv gesagen besund' .  
0,16763 elliv div wund' .  
0,16764 die got tet durh siniv kint .  
0,16765 div vorhte braite sih uber allen disen umberinch .  
0,16766 da got die sine tet sigehaft .  
0,16767 da gezwielt elliu haidenisciu kraft .  
0,16768 si ne uersuhten si niht mere  
0,16769 do braite sih div gotes lere .  
0,16770 Die kristen ain kunic uoderoten .  
0,16771 gotes dienst si ordenoten .  
0,16772 si dienden got gewisse .  
0,16773 mit mettin und mit misse .  
0,16774 mit almuosen und mit gebete .  
0,16775 uon stete hin ze stete .  
0,16776 uon lande ze lande .  
0,16777 die kristen mit gewalte .  
0,16778 ervahten daz chunichriche .  
0,16779 die haiden musen in entwichen .  
0,16780 daz frumte allez d' herzoge Gotfrit  
0,16781 wa fraiscte ir e oder sit  
0,16782 ie dehainen man so spaehen .  
0,16783 dem d' ie so wol gescaeh  
0,16784 ze allen w'ltlichen eren .  
0,16785 ze gnaden ist sin sele

0,16786 also ih iv nv sage .  
0,16787 da ze dem hailigem grabe .  
0,16788 da ruowet sin gebaine .  
0,16789 div sele ist hailich und raine .  
0,16790 Nu sculn wir wid' griffen .  
0,16791 ze dem kaiser hainriche .  
0,16792 mit d' uursten willen  
0,16793 ain h'vart vuor er ze pullen .  
0,16794 da was er manigen tach .  
0,16795 aines sites er do phlach .  
0,16796 daz er gerne aine  
0,16797 rait sine birswaide .  
0,16798 aines morgenes fruo .  
0,16799 sinen vianden kom er zuo .  
0,16800 da was er mit sorgen  
0,16801 unze an den uierden morgen .  
0,16802 die fursten begunden in alle klagin .  
0,16803 si wanten si solten in uerlorn han .  
0,16804 Daz maere in tuskiv lant kom .  
0,16805 daz d' kaiser waere v'lorn .  
0,16806 die fursten samenten sih ze bunne .  
0,16807 Hainrichen den iungen .  
0,16808 den lobeten si alle gemainliche .  
0,16809 si enphulhen [...] [...]  
0,16910 michel ungenade .  
0,16911 die wisen die do da waren .  
0,16912 die gerieten in baiden .  
0,16913 daz iz alsus wart gescaiden .  
0,16914 daz d' kunich div bisctuom elliv ovf gab .  
0,16915 d' babes ladete in do ze rome wid' in die stat .  
0,16916 do enphieng- in romaere .  
0,16917 mit uil grozen eren .  
0,16918 und alle sine miteraisen  
0,16919 d' babes wihte in do ze kaiser .  
0,16920 er entsluoch ime den ban .  
0,16921 fro schiet d' kaiser dan .  
0,16922 Die brieue flugen in div lant .  
0,16923 d' kaiser hiez rovp unde brant .  
0,16924 allenthalben gelten .  
0,16925 do begunde man harte schelten .  
0,16926 d' magenzaere herren .  
0,16927 si sprachen daz er solhen werren .  
0,16928 in dem riche hete erhaben .  
0,16929 diu kristenhait hett sin iem' mere scaden .  
0,16930 dem kaiser muosen do entwichen .  
0,16931 die vurstin in diem riche .  
0,16932 di e wid' im waren .  
0,16933 die suohten sine genade .

0,16934 die guoten und die rehten .  
0,16935 die wizzen iz allez dem biscalfe Albrehte .  
0,16936 daz d' sun ie wid' in gegraif .  
0,16937 daz was gaistlichen herren lait .  
0,16938 daz riche hete er vur war .  
0,16939 rehte sibenzehen iar .  
0,16940 und sehs manode mere  
0,16941 da ze spire begruoben si den herren .  
0,16941a Ditze liet ist von ainime livtheren .  
0,16941b die fursten ladeten in mit michelen eren .  
0,16941c nah d' fursten bete .  
0,16941d ze magenze in d' stete .  
0,16941e nam- si in ze herren .  
0,16941f zwene bruder huben dar umbe  
0,16941g ain- michelen werren .  
0,16942 die fursten lobeten do aine sprache .  
0,16943 hin ze dem stuole ze ache .  
0,16944 die fursten komen da zesamene .  
0,16945 biscalfe manege .  
0,16946 si rieten listecliche  
0,16947 wa si in dem riche .  
0,16948 dehainen fursten naemen .  
0,16949 d' dem riche wol gezaeme .  
0,16950 do horten si dicke wol loben  
0,16951 von sahsen ainen herzogen  
0,16952 den guoten livtheren .  
0,16953 si ladeten in mit grozen eren  
0,16954 Ir boten scuoffen si do dar zuo  
0,16955 die arbaiten spate vnd fruo .  
0,16956 da ze bruneswich si in do funden  
0,16957 an den selben stunden .  
0,16958 also er daz maere uernam  
0,16959 vil schiere besante er sine man .  
0,16960 er sprach ir rat wolt er haben .  
0,16961 ob er z mit ihte wideren maechte .  
0,16962 er sprach daz er ne tohte .  
0,16963 ze hainen grozen arbaiten mere  
0,16964 daz wid'rieten ime die herren .  
0,16965 ia sprachen die h'ren alle  
0,16966 ime solte wol gevallen .  
0,16967 daz in die fursten lobeten .  
0,16968 ze rihtaere und ze vogete .  
0,16969 mit rate si in beuiengen .  
0,16970 daz si ze iungest ub'viengen .  
0,16971 daz er ze magenze rait .  
0,16972 daz was zwain gebruderen lait .  
0,16973 d' aine hiez Chuonrat der and' friderich .  
0,16974 uil tivre vermazzen si sih .

0,16975 er ne wurde niem' mere  
0,16976 ir kvnich noh ir herre .  
0,16977 Daz was daz and' lait .  
0,16978 der herzoge uon behaim uertreip  
0,16979 Otten uon maerhen .  
0,16980 ain fursten harte fraeuelen .  
0,16981 do floch er ze dem kvnige .  
0,16982 den sahsen geuiel ez ubele .  
0,16983 si sprachen iz waere wid' dem riche getan .  
0,16984 iz solte an alle ir ere gan .  
0,16985 die fursten komen des inain .  
0,16986 d' kunich suohte hin ze behaim .  
0,16987 do was d' behaime walt  
0,16988 allenthalben uerhaget .  
0,16989 daz d' niemen mahte durh komen .  
0,16990 er ne hete den lip da zestete verlorn  
0,16991 Otto was ain listiger man  
0,16992 tusent ritter er zu sih nam .  
0,16993 si huoben sih ze vuozen  
0,16994 div ros si hie uz liezen